

Visokoj školi "CEPS-Centar za poslovne studije" iz Kiseljaka dodijeljena institucionalna akreditacija



Analizirajući izvještaj Komisije domaćih i međunarodnih stručnjaka za institucionalnu akreditaciju kao i preporuku Agencije za razvoj visokog obrazovanja i osiguranje kvaliteta Bosne i Hercegovine, Ministarstvo obrazovanja, nauke, kulture i sporta Srednjobosanskog Kantona je ocijenilo da su ispunjeni svi propisani uvjeti za izdavanje institucionalne akreditacije te je 10. 05. 2016. godine donijelo Rješenje kojim se Visokoj školi "CEPS – Centar za poslovne studije" iz Kiseljaka dodjeljuje institucionalna akreditacija.

Komisija domaćih i međunarodnih stručnjaka je prilikom posjete Visokoj školi "CEPS – Centar za poslovne studije" iz Kiseljaka imala priliku razgovarati s menadžmentom institucije, nastavnicima, administrativnim osobljem, studentima, kao i ostalim zainteresiranim stranama. Voditelji studijskih programa Saobraćaja, Poslovne ekonomije, Sigurnosti, Energetike te Zaštite na radu i zaštite od požara su zajedno sa menadžmentom Visoke škole i studentima Komisiji prikazali nastavni proces koji se u Visokoj školi odvija prema temeljnim principima Bolonjskog procesa – uključenosti studenata u nastavu i inovativnosti. Ovakav ishod rezultat je provjere krucijalnih elemenata kvaliteta, ustanovljenog načina funkcionisanja Visoke škole te analize svih dokumenata i procedura prilikom posjete visokoškolskoj ustanovi.

Visoka škola "CEPS-Centar za poslovne studije" iz Kiseljaka u organizacionom pogledu se sastoji od pet studijskih programa, i to:

- Poslovna Ekonomija (smjerovi: Finansije i računovodstvo; Menadžment i Menadžment javnog sektora i uprave);
- Sigurnost (smjer: Kriminalistika);
- Saobraćaj (smjerovi: Željeznički saobraćaj i Cestovni saobraćaj);
- Energetika (smjerovi: Obnovljivi izvori energije; Održavanje energetskih postrojenja; Gospodarenje energijom i energetska učinkovitost i Termotehnika);
- Zaštita na radu i zaštita od požara (smjerovi: Zaštita na radu i Zaštita od požara).

Dobijenim [Rješenjem o institucionalnoj akreditaciji](#) opravdano je povjerenje studenata, nastavnika i ostalih radnika, a Visoka škola ima za cilj kontinuirano jačati svoju ulogu odgovorne institucije unutar društvene zajednice u kojoj djeluje.

Kao vodeća visokoškolska ustanova u Bosni i Hercegovini, Visoka škola "CEPS-Centar za poslovne studije" iz Kiseljaka je dobijenim Rješenjem ravnopravno smještena u jedinstven prostor evropskog visokog obrazovanja, u koji će ova visokoškolska ustanova uopšte, ali i njene diplome biti prepoznate i prihvaćene, kao i njeni studenti i nastavnici u razmjeni sa nastavnim kadrom i studentima ostalih visokoškolskih ustanova u Evropi.

Student je uvijek na prvom mjestu!®

